

MO RITJEVERE VI KOMUTJISE WOKORONA



- Pokati keŋu novandu varwe ngape kare omukato wozometa 2 nao.
- Koha omake woye ovikando ovingi noheva nomeva ngu maye tirire koure wozosekonde 20
- **TUNGA OKAKOHE KOMAKE** omuano omupupu, ombiriha nomuveruke wokukoha omake

OMBUTIRO

Imba mape kahururwa nawa omuano wokutunga okakohe komake, omuano omupupu wokuungurira okakohe komake komeva ngu maye tirire ponganda. Mokakohe komake nga mamu kara ongwana/otjijuma tjozorita 5 tji tja rekareka kokamuti okatyakaŋa. Otjijuma hi matji tirire omeva tji wa nana ongoze ndja pitire motjikamo tjako. Ongoze ndji kehi mai kutwa kokati ku ka rangavara pehi nu munda umwe ku ka yeruruka, kutja ke tanaura ongwana/otjijuma, tji wa yata ko nombaze.



OVIHEPWA:



1. Oumuti uvari woure wometa 1.1, mbu na omapa kombanda nomuano wo-Y (*tji u he na okuyenena okumuna oumuti womapa, paha oumuti poo outenda uriri ku mo yenene okukuta okamuti karwe okatyakaŋa nongoze poo nonɗarata*).
2. Outi uvari woure wometa imwe.
3. Otjisaaha poo otjikatana okukonda na tjo omiti.
4. Omboha
5. Ongoze onde
6. Ongwana poo otjijuma tjomurya wozorita 5
7. Oheva yokukoha ovitjuma poo oheva yarwe
8. Ekutu poo ondjaŋu yomawe (ngu mo yenene okuwonga motjirongo)

Arikana tanaura komazeva womatungiro wokakohe komake

OMAZEVA WOMAUNGURIRO WOKAKOHE KOMAKE

OKURONGERERA OKUUNGURA OKAKOHE KOMAKE

1.

Toora oumuti imbwi ouvari womapa poo outenda, akehe koure wometa 1.1. Konda oumuti warwe uvari akehe koure wometa 1. Kuta ko ongoze poo ondarata kokati kemwe.

2. OKUTWA PO OTJIRAIRO PU MAPE TOPORWA ONDOVI



Twa po otjiraisiro poruveze pu mape toporwa ondovi, pu pe ũa ozosendimeta 12 kehi yotjikamo nao.

3. OKUPUPYARISA OMBOHA



Ũiza omboha notjange nu u i twe mezuko poo momuriro kutja i pupyare.

4. OKUTOPORA OZONDOVI



Topora ondovi mongwana poo motjitjuma nondovi yarwe motjikamo, nombaha ombyu ndjo.

5. OKUHITISA ONGOZE



Hitisa ongoze indji ndja kutwa kokati komunda umwe mondovi indji yomotjikamo.

6. OKUKUTA EPU KONGOZE



Kuta epu kongoze ndi he na okuyenena okupita mondovi.

7. OKUTWA KUMWE



Pata otjikamo kongwana. Nambano okati ka kutwa kongwana nongoze.

8. OKUPAKERA OMEVA MONGWANA/ MOTJITJUMA



Pakera omeva mongwana nga kehi yondovi nu wina pakera mo oheva yovitjuma.

9. OKUZIKA OZONGUNDE



Ungurisa otjiharaova okusa na tjo ovitoto vyoure wosendimeta 30. Zika ozongunde azeembari nu oruveze pokati kazo ngaru rire ozosendimeta 70.

10. OKUTURIKA ONGWANA/OTJITJUMA



Hitisa okati motjizo tjongwana nu u turike okati nga pokati komapa wozongunde azeembari. Nambano ũuna oure wongoze kutja okati munda umwe ke rekareke oure wosendimeta 15 okuza pehi.

11. OKUSA OTJITOTO



Nambano saa otjitoto tjouparanga wozosendimeta 50 x 50 noukoto wozosendimeta 20 pokati kozongunde kehi yongwana. Sira otjitoto hi nomawe poo nehi romawe, kutja omeva wokurikoha komake ye pwire motjitoto hi nungwari aye ha tjiti omunoko poŕa mbo.

12. OKUUNGURISA OKAKOHE KOMAKE



Yata kokati okukeniŕikizira pehi nombaze. Okutjita nao maku tanaura ongwana kutja i tirire omeva okupitisira mondovi indji ndji ri mozombati zayo. Koha omake woye nu tji wa mana isa ko ombaze kokati. Rihwa oheva momake. Yata kokati rukwao kutja u mane okukoha omake woye.